



Broj: 01/8-50-3-39-23/26

Sarajevo, 11. 2. 2026.

Na osnovu člana 32. stav (2) Poslovnika Predstavničkog doma („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25), Komisija za borbu protiv korupcije Predstavničkog doma Parlamentarne skupštine BiH podnosi Predstavničkom domu Parlamentarne skupštine BiH sljedeći

### Izveštaj

#### o radu Komisije za borbu protiv korupcije Predstavničkog doma za 2025. godinu

## POGLAVLJE I. UVODNI DIO

Komisija za borbu protiv korupcije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 49a. Poslovnika Predstavničkog doma prema kojem Komisija razmatra pitanja koja se odnose na: prijedloge zakona i izvještaje institucija sa stanovišta borbe protiv korupcije, provođenje parlamentarnog nadzora, praćenje aktivnosti i razmatranje pitanja koja se odnose na Agenciju za prevenciju korupcije i koordinaciju borbe protiv korupcije (u skladu sa Zakonom o parlamentarnom nadzoru), saradnju s pravosudnim institucijama i organima za provođenje zakona na nivou Bosne i Hercegovine na polju borbe protiv korupcije, kao i na razmatranje i drugih pitanja iz oblasti borbe protiv korupcije.

Predsjedavajući Komisije je Branislav Borenović, prvi zamjenik je Predrag Kožul, a druga zamjenica predsjedavajućeg je Ermina Salkičević-Dizdarević. Ostali članovi Komisije su: Nenad Grković, Zlatan Begić, Nermin Mandra, Safet Kešo, Milorad Kojić i Jasmin Emrić.

Komisija je obavljala poslove iz svoje nadležnosti, u skladu s Orijentacionim planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala 12 sjednica, s ukupno 80 tačaka dnevnog reda, uz usvajanje određenih zaključaka.

Sjednice su u prosjeku trajale 60 minuta.

**Tabela 1. Pregled sjednica Komisije s tačkama dnevnog reda**

| <b>Broj i datum održavanja sjednice</b> | <b>Broj tačkama dnevnog reda</b> |
|---|----------------------------------|
| 11. sjednica, 3. 1. 2025.               | 7                                |
| 12. sjednica, 16. 1. 2025.              | 3                                |
| 13. sjednica, 4. 2. 2025.               | 6                                |
| 14. sjednica, 24. 2. 2025.              | 9                                |
| 15. sjednica, 14. 4. 2025.              | 4                                |
| 16. sjednica, 28. 5. 2025.              | 3                                |
| 17. sjednica, 12. 6. 2025.              | 1                                |
| 18. sjednica, 8. 7. 2025.               | 3                                |
| 19. sjednica, 29. 7. 2025.              | 1                                |
| 20. sjednica, 4. 9. 2025.               | 15                               |
| nastavak 20. sjednice, 10. 9. 2025.     | 14                               |
| 21. sjednica, 14. 10. 2025.             | 5                                |
| 22. sjednica, 26. 11. 2025.             | 9                                |
| <b>Ukupno: 12 sjednica</b>              | <b>Ukupno: 80 tačkaka</b>        |

## **POGLAVLJE II. IZVJEŠTAJ O AKTIVNOSTIMA KOMISIJE**

Komisija je tokom izvještajnog perioda održala 12 sjednica, organizirala dva radna sastanka i pet javnih saslušanja, na kojima je saslušano ukupno deset predstavnika relevantnih institucija i organizacija. Ovim aktivnostima Komisija je doprinijela povećanju transparentnosti, unapređenju parlamentarnog nadzora i jačanju mehanizama borbe protiv korupcije na nivou Bosne i Hercegovine.

### **Odjeljak A. Zakonodavne aktivnosti**

Uočivši neregularnosti u primjeni postojećih zakonskih odredbi iz oblasti mjeriteljstva, Komisija je pokrenula inicijativu i pripremila **Prijedlog zakona o izmjenama i dopunama Zakona o mjeriteljstvu BiH**.

Predstavnički dom usvojio je Prijedlog zakona po hitnom postupku na 27. sjednici, održanoj 15. aprila 2025. godine. Dom je usvojio i zaključak kojim se od Doma naroda traži razmatranje Prijedloga zakona po hitnom postupku, imajući u vidu njegovu jednostavnost i jasnoću. Prijedlog zakona još uvijek je u proceduri pred Domom naroda.

## Odjeljak B. Izvještaji, informacije i predstavke

Komisija je tokom 2025. godine razmatrala veliki broj informacija, izvještaja i drugih materijala dostavljenih od institucija, a to su:

- Informacija Ureda za reviziju institucija BiH o svim nalazima i preporukama koje je izradila i utvrdila u vezi s planiranjem, odobravanjem i realizacijom višegodišnjeg projekta nabavke i izgradnje objekta za Regionalni centar Banja Luka i Glavni ured Uprave za indirektno oporezivanje Bosne i Hercegovine u Banjoj Luci;
- Informacija Generalnog sekretarijata Vijeća ministara BiH, akt broj: 01/8-50-3-39-10,4/24 od 16. 1. 2025;
- Informacija Centralne izborne komisije BiH, akt broj: 01/8-50-3-2628/24 od 23. 12. 2024;
- Informacija Uprave za indirektno oporezivanje BiH o svim radnjama, prijedlozima, odlukama i aktivnostima koje je Uprava provodila ili po kojima je postupala u vezi s planiranjem, odobravanjem i realizacijom višegodišnjeg projekta nabavke i izgradnje objekta za Regionalni centar Banja Luka i Glavni ured Uprave za indirektno oporezivanje Bosne i Hercegovine u Banjoj Luci, akt broj: 01/8-07-4-292/25 od 29. 1. 2025;
- Informacija Državne agencije za istrage i zaštitu – SIPA-e, akt broj: 01/8-50-3-39-1/24 i broj: 01/8-07-4-251/25 od 23. 1. 2025;
- Izvještaj o radu Komisije za borbu protiv korupcije Predstavničkog doma za 2024. godinu;
- Orijentacioni radni plan Komisije za borbu protiv korupcije Predstavničkog doma za 2025. godinu;
- Informacija Obavještajno-sigurnosne agencije BiH, akt broj: 01/8-07-4-482/25 od 18. 2. 2025;
- Informacija Centralne izborne komisije BiH, akt broj: 01/8-50-3-2628/24 od 23. 12. 2024;
- Izvještaj o provođenju javnih saslušanja predstavnika Ureda za reviziju institucija BiH, direktora UIOBiH, predsjednika Samostalnog sindikata državnih službenika i zaposlenika UIOBiH i prvog predsjednika Samostalnog sindikata državnih službenika i zaposlenika UIOBiH, a u vezi s planiranjem, odobravanjem i realizacijom višegodišnjeg projekta nabavke i izgradnje objekta za Regionalni centar Banja Luka i za Glavni ured Uprave za indirektno oporezivanje BiH u Banjoj Luci;
- Izvještaj o provođenju javnog saslušanja ministra komunikacija i prometa BiH, a u vezi s pitanjem projekta Južne interkonekcije i Zakona o Agenciji za pružanje usluga u zračnoj plovidbi Bosne i Hercegovine;
- Informacija Ministarstva sigurnosti BiH - Treći privremeni izvještaj o usklađenosti Bosne i Hercegovine s preporukama GRECO-a u Četvrtom krugu evaluacije, akt broj: 01/8,03,05/5-50-18-271-1/25 od 27. 2. 2025;

- Informacija Obavještajno-sigurnosne agencije BiH, broj: 01/8-07-4-482-1/25 od 19. 3. 2025;
- Izvještaj o provođenju javnih saslušanja sadašnjih i bivših pravobranilaca i drugih osoba u Pravobranilaštvu Bosne i Hercegovine, a u vezi s aktuelnim arbitražnim postupcima;
- Informacija u vezi s imenovanim laboratorijama Instituta za mjeriteljstvo BiH, akt broj: 01/8-50-18-1420/25 od 19. 6. 2025;
- Odgovor Agencije za državnu službu BiH i Upravnog inspektorata Ministarstva pravde BiH, akti broj: 01/8-50-17-815-1/25 od 25. 4. 2025;
- Informacija Ministarstva za ljudska prava i izbjeglice BiH, akt broj: 01/8-50-17-1120-1/25 od 26. 6. 2025.
- Informacija Agencije za javne nabavke BiH, akt broj: 01/8-07-4-2264/25 od 21. 10. 2025;
- Informacija Ureda za razmatranje žalbi BiH, akt broj: 01/8-07-4-2291/25 od 24. 10. 2025;
- Informacija Ministarstva pravde BiH, akt broj: 01/8-50-3-39-21/25 od 13. 11. 2025;
- Informacija Komisije za odlučivanje o sukobu interesa u institucijama na nivou Bosne i Hercegovine, akt broj: 01/8-50-3-39-16,3/25 (veza: 01/8-50-3-39-21,3/25) od 7. 11. 2025;
- Dopis zamjenika glavnog tužioca Tužilaštva BiH o podnesenoj krivičnoj prijavi, akt broj: 01/8-50-17-2440/25 od 12. 11. 2025.

Komisija je, također, razmatrala **12 predstavki građana** dostavljenih samoinicijativno. Svaka zaprimljena predstavka pažljivo je razmotrena, imajući u vidu navode podnosioca i njihova očekivanja. Po okončanom razmatranju, Komisija je za svaku predstavku odredila nadležnu instituciju i dostavila joj predmet na izjašnjenje, s ciljem da se omogući daljnje postupanje u skladu s propisima.

### **Odjeljak C. Ostale aktivnosti Komisije**

Komisija je 4. 2. 2025. održala javno saslušanje ministra komunikacija i prometa BiH Edina Forte, a u vezi s pitanjem projekta *Južna interkonekcija* i Zakona o Agenciji za pružanje usluga u zračnoj plovidbi Bosne i Hercegovine.

Također je provela tri javna saslušanja (18. 2, 19. 2. i 20. 3. 2025.) u vezi s višegodišnjim projektom izgradnje objekata za Regionalni centar Banja Luka i Glavni ured Uprave za indirektno oporezivanje BiH: Komisija je **18. 2. 2025.** održala javno saslušanje predstavnika Ureda za reviziju institucija. Javno saslušanje direktora UIOBiH održano je **19. 2. 2025.**, a javno saslušanje predsjednika Samostalnog sindikata državnih službenika, prvog predsjednika Samostalnog sindikata UIOBiH i predsjednice Sindikata UIOBiH održano je **20. 3. 2025.**

Komisija je 9. 6. 2025. zajedno s Komisijom za finansije i budžet Predstavničkog doma održala javno saslušanje sadašnjih i bivših pravobranilaca u Pravobranilaštvu Bosne i Hercegovine i drugih osoba, a u vezi s aktuelnim arbitražnim postupcima.

Komisija je 4. 11. 2025. održala sastanak sa šefom Misije OSCE-a u BiH ambasadorom Holtzapleom. Sastanak je bio posvećen intenziviranju saradnje između Komisije i Misije OSCE-a, s naglaskom na jačanje transparentnosti, odgovornosti i vladavine prava u Bosni i Hercegovini.

Komisija je, na vlastitu inicijativu, 11. 11. 2025. organizirala sastanak u Tužilaštvu Bosne i Hercegovine. Na sastanku, kojem je prisustvovao glavni tužilac i zamjenik glavnog tužioca i rukovodilac Posebnog odjela za organizirani kriminal, privredni kriminal i korupciju, razgovaralo se o rezultatima rada Komisije, kao i o izvještajima i zaključcima o provedenim parlamentarnim javnim saslušanjima koje su usvojili Komisija i Predstavnički dom, a koji su upućeni Tužilaštvu BiH.

### **POGLAVLJE III. REZIME**

Na osnovu navedenih aktivnosti, može se zaključiti da je Komisija u 2025. godini dosljedno realizirala obaveze iz svog djelokruga, pravovremeno razmatrala dostavljene materijale i aktivno pratila pitanja značajna za borbu protiv korupcije. U toku godine Komisija je provela više javnih saslušanja i održala radne sastanke s predstavnicima nadležnih institucija, uz paralelno prikupljanje relevantne dokumentacije i informacija, uključujući i materijale koje su samoinicijativno dostavljali građani i institucije.

U narednom periodu Komisija će nastaviti s jačanjem parlamentarnog nadzora i saradnje s nadležnim institucijama, te planirati radne posjete ključnim organima i institucijama na državnom nivou, kao i parlamentarnim tijelima drugih država, s ciljem unapređenja institucionalnih mehanizama u borbi protiv korupcije.

**PREDSJEDAVALJUĆI KOMISIJE**

**Branislav Borenović**